



Piujuaannartitsinissamut
Nalunaarusiaq

2019


TELE - POST



Imarisaasa allattorsimaffiat

Aallaqqaasiut	4
CSR Ilaasortaaffiillu	6
Niuernerup ilusaa	8
Attaviit	10
Sulisoqarnermut tunngasut	12
Avatangiisit aamma sila	20
Suliffeqarfittut ileqqorissaarneq	22
Inuiaqatigiinnut naleqarnerulersitsivugut	24
2019-mi piujuartitsinissamut suliniutit	28
Nunarsuarmi isummat tunngaviit, ajutoorfiusinnaasut, 2020-mut suliat	30
Nunarsuarmut anguniakkat naleqqatut	32



TELE-POST annertuumik akisussaaffeqarpoq

TELE-POST-ip qulakkeerpaa Kalaallit Nunaata digitaliusup imminut ataqatigiinnissaa, digitaliusumik ukiunut ikaarsaartitsisoq. Mumisitsineq digitaliusoq nunap oqaluttuarisaanerani nipaatumik mumisitsinerugalarpoq, siunissamilu qanoq pisoqarumaarnersoq naluarput. Ataaserli qularnanngilaq – kinguaariinni tullinnguuttut salliuatissavavut, angorusutanullu anginerusunut piujuartitsinerusunik suliaqarluta.

Atassuteqartuarsinnaaneq qulakkeerniarlugu TELE-POST ullut tamaasa sulisarpoq aamma kissaatigaarput ineriartornissamut aqqtussatut, inuiaqatigiinnillu kivitseqataalluni ilinniarfittut, tamanna isigineqassasoq.

Meeqqat atuarfiata digitaliuernerulernissaanik, fagillu qaffasinnerusumik ilinniartitsissutigineqartarnissaannik meeqqat namminneq kissaataannut ikiuuterusuppugut. Taamaaliorniarpugut digitalimik toqqaannartumik, kommunit atuarfiit, meeqqat aamma ilinniartitsisut suleqatigalugit ilinniartitsinertigut.

Kalaallit Nunaata ataqatigiissinneranut aamma Kalaallit Nunaata nunarsuatsinnut ataqatigiissinneranut TELE-POST annertuumik akisussaaffeqarpoq.

Telekkut attaveqatigiissinnaanernik aamma allakkanik nassiussinerni nunamut tamarmut nioqquteqartutut tatiginartutut ingerlatsinitsinni, nunamik tamarmik ataqatigiinnermik pilersitsivugut. Kalaallit Nunaat nunarujussuuvoq inukitsuarsuaq. Qaqqat qaavisigut, kangerlutsigullu isorartuutigit atassuteqaatit qulakkeerpavut. Silap pissusaa ilungersunarsinnaasoq apeqqutaatinnagu, sulisutta tunniusimaluartut, nukippassuarnik atuiffiusartumik atassuteqaateqartuarnissaa, qulakkeertarpaat. Pinngortitarsuaq kusanaqisoq paarilluarusupparput ataavartumik nukissiuutit, seqernup qinngornerisa, anorillu nukiisa, atorneruleralluttuinnarnerisigut. Siunissap piujuartitsiffiusussap pilersinnissaa upparaarput, taamaattumillu nunarsuatsinni anguniakkat ullut tamaasa sulissutiginiarlutigit.

Piujaannartitsinissamut nalunaarusiat-sinnik atuarluarnissassinnik kissaappassi.

Kristian Reinert Davidsen
Pisortaaneq

CSR ilaasortaaffiillu

CSR-ip aaqqissuusaanera

TELE-POST-ip siulersuisuisa pingaartitaraat Corporate Social Responsibility (CSR) aamma piujuaannartitsinissaq, suliffeqarfiup siunissami suliassaani takuneqarsinnaajumaartut. Piujuaannartitsinissamut anguniakkat HR-mi Pisortamik akisussaaffigineqarput, taanna allamik suliaqarani tamakkuninngaannaq suliaqartumik ataatsimik suleqateqarpoq. CSR-rilerisup qulakkeerpaq suliassap ingerlatittuarneqarneri, suliffimmi sorlanitsinnissaat, kiisalu CSR-mik aamma piujuartitsinissamik suliassat ingerlateqqittarneri uppersaasarsortuarnerilu.

Ullut 14-nikkaartumik Pisortaanerup aamma HR-mi pisortap ataatsimeeqatigiittarnerini piujuartitsinissamut suliata ingerlanngi oqaluuse-risassani aalajangersimasumiittarput, tassanilu pisortat allat, suliassani sammisanut assigiinn-gitsunut, akuutinneqalersarput.

Suliffik akimorlugu pineqartut kingullermik sammeneqarput, TELE-POST-ip pisortaminik isumasioqatigiissitsinerani, ukiakkut 2019, tassani CSR-mut Nunarsuarmullu anguniakkanut sulianut inuit attuumassuteqartut 58, pisortat tullersorta, inuillu suliament pingaarutilit allat, peqataapput.

“

TELE-POST Kalaallini inuiaqatigiinni pingaarutilimmik inissimavoq, Nunarsuarmullu anguniakkat saqqummiussunnerini suliffeqarfiup suliata tassaapput, piujuartitsinissamut assigiissunik oqaaseqarnissap ilanngunneqarnissaa, uagut suliffittut ilutsinni aamma avammut suleqatitsinnut, ass. Kommunenu suliffeqarfinnullu allanut.

Helena Rotvig Kristiansen, HR-imi pisortaq

Ilaasortaaffiit

UN Global Compact-imut ilaasortatut TELE-POST pisussaaffeqarpoq inuit pinnaatitaaffiit FN-ip tunngaviumik isumaannut 10-nut, sulisartut pinnaatitaaffiit, avatangiisinut aamma pinerluttuliornaveersaartitsinerit, kiisalu FN-ip nunarsuarmut anguniagaasa 17-t naammassineqarnissaannut ikiunnissamut, akisussaaffimmik tigunissaminut. Sumiiffimmi ilaasortaaffitsigut ass. CSR Greenland aamma Transparency International Greenland, akisussaaffeqartumik ingerlat-sinissamut kalaallit Nunaanni siuarsaanermik suliaqartuusunut, nunarsuarmioqatigiinni suliata ikorfartorneqarput.

Piujuartitsinissamut suliavut taakkulu ingerlaneri, ukiut tamaasa UN Global Compact-imut nalunaarusiortussaavavut. Taakkua saniasigut, nalunaarusiaq una suliavaoq ukiumoortumik naatsorsuutit nalunaarusiornissaannut inatsimmi §99a aamma §99b najoqqutaralugit.

UN Global Compact pillugu paasisaqarnerorukkuut- takuuk: www.unglobalcompact.org

Isummat Tunngaviusut Qulit



Inuit pinnaatitaaffii

Isuma 1: Suliffeqarfiup sunniuteqarfigisinnaasa iluini, inuit pinnaatitaaffii nunarsuarmioqatigiinnit nalunaarutigineqarsimasut, suliffeqarfiit tapersorsor-lugillu illersornerat ataqqisariaqarpat; aamma

Isuma 2: Inuit pinnaatitaaffiisa innarlerneqanngin-nissaasa qulakkeernissaannut peqataallutik



Sulisartup pinnaatitaaffii

Isuma 3: Sulisartut kiffaangussuseqarlutik peqati-giiffilorsinnaatitaanerit aamma ataatsimoorlutik isumaqatigiinniarsinnaatitaanerit Suliffeqarfiup ingerlattariaqarpat; aamma

Isuma 4: Pinngitsaalluni sulisitsarnerit tamaasa atorunnaarsinnissaat tapersorsorlugu; aamma

Isuma 5: Meeqqanik sulisitsarnerup unitsinnissaa tapersorsorlugu; aamma

Isuma 6: Suliffimmi atorfinitsinermilu assigiinn-gisitsineq atorunnaarsivillugit



Avatangiisit aamma sila

Isuma 7: Avatangiisinut unammilligassanut mianersortumik periuseqarnissaaq Suliffeqarfiit tapersorsortariaqarpat; aamma

Isuma 8: Avatangiisinut akisussaasuseqarnissamik suliata siuarsarnerinut aallartitsissalluni; aamma

Isuma 9: Teknologinik avatangiisinut iluaquta-asunik ineriartortitsineq siammarsaanerlu siuarsaaqataaffigissallugit



Pinerluttuliornaveersaartitsinerit

Isuma 10: Pinerluttuliorsinnaanerit sulluunniit suliffeqarfiup akiortariaqarpat, matumanissaaq tatisilluni akiliisitsinertarnerit aamma akilersilluni pinerluttuliortarnerit



Niuernerup ilusaa



Isumalluutit pingaarnerit

Sulisut
Suliffeqarfippit akimorlugu nioqqutinik sullissinermillu pilersuisinnaanerput sulisutta qulakkeertarpaat, neqeroortiginiartarpullu tamarmik pinnaasamik ineriartornissaminut periarfissinneqarnissaat.

Aningaasatigut isumalluutit
Aningaasaliinigit sapinngisamik ingerlatsinitsinnit isertitanit saniatigullu taarsigassinerit aqutugalugit aningaasalersortarpagut.

Atuisut piginnittullu
Atuisuvut piginnittuvullu suliffeqarfitsinnut tunngaviupput, taakkununga atassuteqarnerit tamaasa pingaartitaraavut.

Inuiaqatigiinnut akuliusimaneq
Aaqqiisutissanut aningaasaliis-arpugut, nunap immikkoortuini digitalimik ineriartornissamik qulakkeerinntumik, aamma killilimmik aningaasarsiorfusinnaasuni.

Aningaasaliissutit

Attaveqaasersugaaneq

- Pineqartukut Kalaallit Nunaanni tamarmi telefonerneq aamma internetsikkut attaveqarneq qulakkeerneqarput, pilersuinerullu isumannaatsuunissaa pingaernerpaatinneqarpoq.
- Attaveqaatit, atassuteqartuarnissamik qulakkeerinntut, nioqqutissiat atuisartutta pisariaqartitaat ullumikkumullu naleqquttut, sanaartorneqarlutillu ataavartumik inerisarneqartuarpot.

5.404 km Imaatigut kabeli
1.710 km qaqqat qaavini 67-inik sakkortusaaviit
2 Qaammataasanut isumaqatigiissutit
92,4 mio. kr.-it 2019-imi aningaasaliissutigineqarnerat

Kaaviaartit

Oqarasuaateqarneq internetilu

Kaaviaartit 67%-ii

- Pineqartukut telefonermik internetsikkullu nioqqutissianik inuinnarnut inuussutissarsiortunullu nioqquteqartoqartarpoq.
- Nioqqutissiat ineriartortittuarneqarput atuisartut digitaliusumik ineriartornermut Nunatsinni aamma nunarsuup sinnerani, peqataajuarnissaat qulakkeerlugu.

9% internetimik atuisuusut 2019-imi qaffariaataat
32% datamik atuisuusut 2019-imi qaffariarnerat
64.700 oqarasuaammik angallattakkamik atuisut

IT-mik sullissinerit allallu

Kaaviaartit 19%-ii

- Inuussutissarsiutilinnut niuerfiup, Kalaallit Nunaanni tamarmi sullitatsinnut IT-mik periarfissat ullutsinnut naleqquttut suliffeqarfiit pingaarnersatut niuernermik suliaqarsinnaanerannik periarfissiisut, neqeroortigai.
- Kalaallit Nunaanni ajornartorsiulernermi isumannaallisaanermilu upalungaarsimanermik sullissisutut, TELE-POST imaani angalasunut isumannaallisaqataavoq.
- Silaannakkut angallannermut sullissinermik aammalu silasiornermik kiffartuussinermik sullissinermigut, Kalaallit Nunaanni angallannermut qajannaatsumik suleqataavoq.

24/7 Aasianni Sinerissami Radiomi ulluni 365-imi sulisoqarneq
18.250 timmisartukut angallannermut silasiornermullu pullattakkat
16% suliffeqarfiit oqarasuaatinik atuiserisa 2019-imi qaffariaataat

Allakkeriveqarneq

Kaaviaartit 12%-ii

- Kalaallit Nunaanni allakkanik sullissisuteqarnissamik kisermaassisutut allakkerinermik niuerfiup nunatsinnut tamarmut isumannaatsumik sullissinissaq qulakkeerpaa.
- Kalaallit Nunaannut tamarmut poortukkatigut periarfissat apuunerqarnissaminut qulakkiikkat neqeroortigineqarput, tamatumalu innuttaasut aammalu suliffeqarfiit nunanit allanit niuersinnaanerat periarfissaqalersippaa.

15 TELE-POST Centerit saaffiginnittunik sullissisussallit
84 tons allakkat 2019-imilu appariaatit 10%-it
307.000 poortukkat 2019-imilu appariaatit 3%-it

Wholesale

Kaaviaartit 2%-ii

- Ataatsimoortukkaaniq nioqquteqarfiup Kalaallit Nunaanni innuttat periarfissippai internetimut attavinnik pilersuisunik allanik toqqaasinnaanerannik.
- Suliaqarfik internetimik nioqquteqartunut nioqqutinik ineriartortisisuvoq, taamaallilluni taakku sullitaminnut nioqqutinik ullutsinnut naleqquttunik aamma nioqquteqarsinnaalersillugit.

49% sullitanut annertuukkuutaarlugit sullinneqartunut nunani tamalaani sullissinerit 2019-imi qaffariaataat

Attaviit nukittuut ineriartorneq periarfissippaat

Suliffippassuit ullutsinni pisariaqartippaat interne-tikkut atassuteqaatit sukkasuut patajaatsullu. Ullut tamaasa TELE-POST sulisarpoq atuisartut internetimut atassuteqarsinnaanerit qulakke-erniarlugu nukittorsartuarlugulu. Atassuteqaatit nukittuut paasisimasat ilisimasallu annerulernis-saannut aqqutissaapput.

Periusissiaq nutaaq 2017-mi TELE-POST-ip saqqum-miuppaa, tassanilu anguniagaavoq atuisartutta Kujataani, Kitaani aamma Avannaata ilaani 92%-tii sukkasuumik internetimut aqquarneqarsinnaaler-simassasut. 2019-ip naalernerani anguniagarput angullugu 92,6% anguvavut. Kalaallit Nunaata annersaanut digitalimik periarfissanut tamanna sunnuteqaqaaq, ilaatigullu isumaqarluni ilinniarti-taernermit paasisutissarsior- tærnermullu periar-fissat pitsaanerulernerannik.

Anguniakkatta piviusunnortinniarnerini, ukiuni kingullerni marlussunni atassuteqaatit annertu-sarneri suliarisimavavut – imaatigut kabelip tallineratigut aamma radiokædip allineratigut sakkortusineratigullu.

92,6%

Innuttaasut 92,6 procentii internetimut sukkasuumut attaveqarput

Nunap nunaqarfiini illoqarfiinilu ledningeqann-gitsunik 4G-nut attavinnik antenneqarfinnillu pilersuivugut.

Attaveqaatinut taakununga ilaangillat TUNU aamma Avanersuaq, sukkassutimut killiliisumik qaammataasakkut attaveqarfiusut. Sumiifinni taakkunani, qaammataasanut teknologi atorlugu interneteqarfiusuni sukkassutimut pitsangor-saatissanik pimoorussivilluta sulivugut.

“ *Inuiaqatigiit siunissaannut qulakkeerinninnissamut Kalaallit Nunaatalu nunarsuarmut, nunarsuullu Kalaallit Nunaannut, ammarnissaanut TELE-POST-ip pingaaruteqarnera suliat ersarisilluinnarpaat. TELE-POST-ip anguniagai ukiuni kingullerni inerititaqarput, kinguaariinnullu tullissanut iluaqutaassallutik. Nunatta annersaani flatrateqalernerata periarfissaqartilerpaa paasisutissat suulluunniit tamanut ammarneri, online-kkut illoqarfinni nunaqarfinnulu atuarfimminnit ilinni-artisissutissanut nutaaliaasunut lpadsitik atorlugit meeqqat toqqaannartumik isersinnaalerput.*

Jonas Hasselriis, Teknik-mut aamma IT-mut Pisortaq





Sulisut piumassuseqarluartinnerisigut angusat pitsaanerpaat anguneqartarput. Sulisut tunniusimalluartut piumassuseqarluartullu sulilluarnerusarpu, suleqatigiinneq nukittortittarlugu, isumassarseqatigiittarlutik uagullu avataanit isigineqarnerput nukittortillugu.

Anguniakkat pitsaasut angunissaannut suliffimmut pissusissami-suinnarsimavoq suliffimmi timikkut tarnikkullu avatangiisinut sinaakkutissat pitsaasut peqqinnartullu pilersinnissaat.

Sulinermi nuannaarneq

Sulisut suliffimminnut piumassuseqarluarnerannut tunniusimanageranullu uuttuutaavoq sulinermi nuannaarneq. 2019-ip aallartilaarnerani TELE-POST-imi sulinermi nuannaarneq uuttuumi 80-siuvoq, qaffasissorujussuarmik sulinermi nuannaarnerut taaneqartoq aamma nunatsinni assigiissitsinermi qaffasinnerpaatut 'Best in class'-itut taaneqartoq. Sulisut TELE-POST-imut tunniusimanagerat uuttut 83-simiippoq.

Uuttut 80
sulisut iluarisimaarinninnerannut

Uuttut 83
tunniussimassuseq

Suliffimmi avatangiisit

Sulinerni tamani sulisut peqqissuunissaannut isumannaatsumillu sulinissaannut piumasaqaatit ilisimalluarneqarnissaat TELE-POST-imi pisortat ataasiakkaat qulakkiigassaraat. Ajutoorutaasinnaasut peqqiilliutigineqarsinnaasullu pinaveersimatinnissaannut pisorta qaaqqissuussisaavoq, sulisunilu ilisimatillugillu, ilitersorlugillu pineqartunik ilinniartissallugit.

Suliffeqarfiup nalilersuiffigineqartarneratigut

(APV), ukioq allortarlugu pisartukkut, timikkut tarnikkullu, sulisunullu sillimaniarnermut inatsisini piumasaqaatit TELE-POST-imi sulisunut qulakkeerneqartarput.

Isumannaallisaanermut suleqatigiinnissamullu TELE-POST-imi ataatsimiittaliap suliassaraa pisortat sulisullu akornanni attaveqatigiinnerup tatigeqatigiinnerullu qulakkeernissaa. Ingerlatsinermik, aningaasaqarnermut anguniakkanut ataatsimoortumik paasinninnissaq ataatsimiittaliap pilersittarpaa, pilersaarusiortoqartillugu, nakkutillisuulluni aamma isumannaallisaanermik

“ Suliffeqarfiup immikkoortuini tamani ingerlallu-artunik aaqqissuulluakkanillu suleqatigiittoqarnissaa pisortat sulisullu pingaartippaat. Pisortat sulisullu suleqatigiilluarnissaat, TELE-POST-ip takorluukkaminik, suliarnik anguniakkaminillu piviusunnortitsilluarnissaanut tunngaviuvoq.

John Frederiksen, isumannaallisaanermut suleqatigiinnissamullu ataatsimiittami siulittaasup tullia

peqqissuunissamillu sulianik ilisimatitsisarluani. Suliffimmi sulisunullu pissutsit ajunngitsuunissaat, sulisunillu tamani malinneqarnissaat ataatsimiittaliap peqataaffigissaavaa.

Suliffimmi isumannaatsuoneq

Sulisut isumannaatsumiinnissaat TELE-POST-ip pingaartikkamiuk ilinniartitsinerit, pikkorissaanerit aamma allagartartaartitsisarnerit, ass. L-AUS, masterredning, avatangiisinullu, ingerlattarpai. Isumannaallisaanermi periusissanik pisariaqartunik sulisut ilitersorneqartarput, tamakku paasineqarlutillu malinneqarnissaat tamakkunatigut qulakkeerneqartarpoq.

Ajutoornerit 7-it 2019-mi nalunaarutigineqarput. Ajutoornerit amerlanersaat kilernertut taaneqarput, inuunermik ulorianartorsioortitsingitsut.

Peqqissuseq

Sulisut peqqissuunissaat aamma atugarissaarnissat anguniarlugu kantiinatsinni nerisassanik peqqinartumik tamalikaartunillu sassaallertarpugut, qasuaallisarfimmik akeqanngitsumik atuisinnaapput, suliffik timmersuutinik aqqissuussisarpoq, sulisullu aliikkusersorneqartarput.

Atorfinitsinneqarnerminni sulisut tamarmik peqqissuunissamut sillimaserneqartarput, napparsimavimmumut namminersortumut suliaritikkartorsinnaanermut periarfissartalimmik, aamma atornerluisartut siunnersorneqartarput, psykologimik fysioterapiutumillu ikiorneqarsinnaapput.

Napparsimalluni sulinngitsoorneq

Napparsimallutik suliaritunngitsoortartut ikilisinneqarnissaannut siunertaqarpugut aamma maanna siunertassanik misissuullutalu ikilisinneqarnissaat suliniutigarpurput.

Napparsimallutik suliaritunngitsut 2019-mi 4,1%-tiupput, taakkunannga sivisuumik napparsimasut 8,4%- tiupput. Napparsimallutik sivisuumik sulisinnaanatik nalunaartut tassaasarpurput suleqatit, nappaammik ilungersunartumik sivisuumik eqqorneqarsimallutik katsorsarneqalersimasut.

Sulisunik piginnaasaannillu ineriartortitsineq

Piginnaasanik ineriartortitsinissamut siunertaqarlartumik pikkorissaasarnertigut qulakkeertarpurput suliasanik nutaanik pioersunillu sulisutta suliaqarluaarsinnaaneri. Sulisutta ilisimasaat pisinnaasaallu digitaliusumik ineriartornermut malinnaatinneqartuartaqarpurput, tamannalu pisarpoq ilikkarsinnaasaannik ataavartumik ineriartortitsiuarnertigut. Ukiut tamaasa sulisut ineriartortinnissaannut oqaloqatigiitarnertigut (MUS), sulisut pisariaqartitaat aamma ilinniaqqinnissamut periarfissaat,

Sulisut affaat

2019-imi pikkorissarlugilluunniit ilinniarteqqinneqarnikuupput

suliarisaminnilu namminneerlutik ineriartoqqinnissaannut tunngasut, nalilersorneqartarput. Sulisup pisinnaasaasa aamma piunasaqaatit pisariaqartitallu sulisut sulinermini naapittagaasa, imminnut ataqatigiilluarnissaat taamaasiornikkut qulakkeerneqartarpoq.

POST-mi aamma SALG-imi sulisut tamarmik Allakkerisut ilinniarsimasuupput, ilinniakkamik TELE-POST-ip nammineq ineriartortissimasaanik.

Ilinniartoqartarneq

Ilinniartoriligassavut pikkorinnerpaat soqutiginnilersinniartuartaqarput. Nunatsinni Danmarkimilu ilinniagaqarfiiit assigiinngitsut suleqatiginerisigut, ilinniartut uagut suliffippurput aallaavigalugu soraarummeerutissaminnik allagaqarnissaat, misissuunissaat, assersuusiornissaat, ilinniarnerminnulluunniit atatillugu suliniutissamik piviusunngortitsinissaat periarfissiuuttarput. TELE-POST-ip suliffeqarfiani makkua ilinniagarineqalersinnaanerit neqeroortigisarpavut:

- IT/ elektronik aamma teknik
- Tekniskinik sanaartorneq ingerlatsinerlu
- Pisiniartarneq ataqatigiissaarinerlu
- Allakkerisarfik frimærkilerinerlu
- Aningaasaqarniarneq
- Atuisartunik sullissineq
- Nittarsaassineq aamma attaveqatigiinneq

2019-imi ilinniartut praktikkertullu 28-jupput, TELE-POST suliffiata iluani ilinniartuunniit assigiinngitsuni 8-ni agguataarsimasut. Taakkua saniasigut atuartaq suliffimmik misiliillutik TELE-POST-imi misigisaqarnissaannut ikuiuttarpugut. Meeqqat inuusuttullu ilinniartunngornissaminni uagut suliffitsinnut tunngasunik ilinniagaqalernissamik isumassarsinissaat tamakkuninnga suliniuteqarnitsigut ikorfartortarpavut.



“

Ilinniagaqarlualarfioqisumik TELE-POST-imiippunga, iluatsitsillunga nammineerlunga suliasannik suliaqarfigisinnaasannik. Iluaqaat sakkussanik assigiinngitsunik misileraasinnaaneq, ilinniarninni pigilersimasannik, praktikkerninilu ulluinnarni atorsinnaasannik. Suliffeqarfimmumut angisuumut isersinnaaneq iluaqutaaqaaq, teknikkikkut piginnaasannik assigiinngitsunik misileraaffigisinnaasanni.


Arnalaa Johansen, ilusilersuisartut ilinniartuusimasoq nittarsaassinermillu suliffimi misiliisoq

Assigiinngisitaarneq naleqarnerulersitsigaangat

Pisortat akornanni Assigiinngisitaarnermut TELE-POST-ip politikianiit tigulaagaq: "Suliffeqarfik assigiinngisitaartoq, suliffeqarfiuvoq sulisut assigiinngisitaartuunerannik akuersisoq, nakooqutimisullu atuisoq. TELE-POST-i sullissinernik kiffartuussinernillu assigiinngitsorpasuarunik pilersuisuvoq, suliffittullu pisariaqartippaa assigiinngisitaartunik sulisoqarnissani - minnerunngitsumik pisortaqaarnissani."

Ataatsimeersuarnermit qinikkanik siulersuisuni tallimat ilaasortaapput, sulisullu toqqagaat pingasut. Siulersuisuni tallimaasuni pingasut arnaapput, imaappoq naligiissitsinissamut inatsisitigut piumasarisaq naammassineqarpoq, taamaattumillu annerusunik anguniagaqartoqassanngilaq. Pisortaanerri marluk arnaapput, angutillu tallimat, aammattaaq taanna isumaqarpoq naligiissitsinissamut piumasat naammassisut, allanillu politikikkut pisortaqaatiinni anguniagassaqaanngilaq.

Qanorluunniit ikkaluartumik suaassusillit, utoqqaassusillit, sumiuussusillit, upperisallit, sexualitiitillit kulturillillu, TELE-POST-imi inissaqartinneqarput. Piginnaasanuku, piumassuseqarneq sulisinnaassuserlu uatsinni pingaarnerusut, assigiinngisitsinerillu suulluunniit akuersaanngiluinnaarpavut.



Utoqqaanerusunut aaqqissuussineq

Soraarnerussutisiaqalernissamut pitsaasunik periarfissiinissanik pilersitsinissaq kissaatigaarput, sulisut ataasiakkaat aamma suliffeqarfiup ingerlanneqarnera mianeralugit.

Soraarnerussutisiaqalernissamut pitsaasunik periarfissiinissanik pilersitsinissaq kissaatigaarput, sulisut ataasiakkaat aamma suliffeqarfiup ingerlanneqarnera mianeralugit.

Sulileqqinnissamut ikiuisarneq

Pisariaqalerfiatigut immikkorluinnaq ittumik sulisoq ikiortariaqaleraangat, anguniagaanut naammassinnequllugu TELE-POST-i ikiuinissamik neqerooruteqarsinnaasarpoq. Sulisut immikkut ikiorneqartariaqarnermik pisariaqartitsiffiini sapinngisatsinnik naapinniartarpavut; assers. sulisup sulisinnaajuaannarnissaa siunertaralugu nikerartumik suliertarnissaannut ikiorsinnaasarparput.

Suliffissarsiortoq ataaseq sulisinnaanermut sungiusartillugu 2019-mi ikiorparput. Tamanna iluatsilluarpoq, inernerivaalu piffissap ilaanik sulisartussatut ikiukkatta atorfinitsinneqarnera, taamaasiornikkut sulisartutut inuunerminik ingerlariaqqinnissaanut tunngavilerlutigu. Tasiilami frimærkileriffimmi suliffissarsiortut tallimat misilillugit sulisippavut.

2019-mi ima isikkoqarpoq:

2 Nikkerartumik suliffillit

1 Sulinissamut sungiusartut

5 Suleqqilersinnaanermut sungiusartut





Avatangiisinut aamma Silap pissuianut TELE-POST-ip politikianit tigulaagaq:

“**TELE-POST-ip kissaatigaa avatangiisit pitsaanerulernissaannut qulakke-erinneqataanissi, Suliffeqarfiup suliaanut tamanut avatangiisit aamma silap pissusaata mianerinissaasa pissusissamisuuinnartutut ilaatinneqalernissaasa qulakkeerneqarnerisigut aamma isummatsigut iliuutitsigullu Suliffeqarfiup avatangiisinik silamillu siunniutigisartagaasa eqqummaffaariffiginerisigut.**

Innaallagissamik atorluaaneq

LED-qaammaqqutit

TELE-POST qitiusumik allaffeqarfia aamma TELE-POST Centerii 7-it Nuummiittut LED-qaammaqqutinik ikkussuiffiunikuupput, taamaasilluni TELE-POST-ip ukiumoortumik innaallagissamik atuisarnera appartinneqarluni, aamma suliffimmi pitsaanerusunik qaammaqqute-qartoqalerluni. TELE-POST-ip nammineq illutaani illoqarfinni tamani allanngortitserisoqartillugu sanaartortoqartilluguluunniit LED-qaammaqqutinik ikkussuisoqartassaaq, illuutinik ingerlatsinerni innaallagissamik sipaarfiusartussanik.

Sipaarfiusinnaasumik avatangiisinullu mianerinittumik nillarsaaneq

Radiokædestinationit serverummiini tamani silaan-narmik nillarsaatit atorlavut. Nillarsaariaaseq taamaattoq innaallagissamik aamma aningaasanik sipaarfiuvoq, avatangiisinillu illersuinerulluni, uagut peqataaffigisatsinnik.

Nukissiuutit ataavartut

Nunaqarfinnut illoqarfinnullu amerlanernut Internet-tikkut attaveqarneq qulakkeerniarlugu TELE-POST 44-inik radiokædemut attaveqarfeqarpoq, sites-inik taaneqartartunik. Aasaanerani seqernup qinngorneri atorlugit, ukiukkullu generatorit atorlugit, sites-it innaallagissamik ullutsinni pilersorneqarneri pisarput. Unammiligassat uanippit aasaanerani seqernup qinngornerinik innaallagiq pisariaqartoq pilersinneqarsinnaammat, kisiannili ukiukkut naammattumik

sila qaamasanngimmat seqinermit innaallagissiorneq ingerlaannarsinnaasannngimmat, generatorinut nuunnissaq pisariaqalersarluni.

Sites-eqarfinnut ikummatissamik assartuisarneq atuineq akisuujuvoq aamma avatangiisinut tunngasutigut ilisarnaatiginiakkatsinnut akkerliulluni. Taamaattumik anori atorlugu nukissiuutit misilerarlugillu ineriartortippavut.

Aasaanerani 2019-imi anorisaat Meqqitsumi, Nuup kujataani, ikkussuunneqarpoq. Anorisaat taanna issittumi pissutsinut misilerarneqarnikuuvoq, anorillu sukkassusia 70 m/s sapernagu.

Ukiumut 7.000 kWh

Siunissami naatsorsuutigaarput innaallagiq ukiumut 7000 kWh pilersissinnaalissallutigu

Qaammatit sisamat ingerlanerini anorisaatip innaallagiq 712 kWh pilersippaa, sipaarutinngorlugu 8%-tusoq. Anorisaatit atorlugit innaallagissior-talernitsigut naatsorsuutigaarput 7.000 kWh/ukiumut innaallagiarisallissallutigu, generatorit dieselimik atuisarnernerinut 2/3-imik sipaarfiusussaaq. Atortussat eqqortut atorlugit anguniagaq anguneqarsinnaappat aamma innaallagiq pisariaqartitaq naammattoq pilersinneqarsinnaappat, siunertaarput Kalaallit Nunaanni anorisaatinik amerlanerusunik ikkussuinissarput.

“Kalaallit Nunaanni Avatangiisit”-nik qulequt-serlugu Filatiliiarput ukiut tamaasa frimærkinik marlunnik saqqummersit-sisarpoq.





Suliffeqarfittut ileqqorissaarneq

2019-ip naalernerani peqquserluttuliornaveersaartitsinermut politikia aamma Tunissutinut najoqqutassiaq, kiisalu Whistleblowerimik aqqis-suussinermut najoqqutassat TELE-POST-imi akuerineqarput. Suliniutit tamakku najoqqutassallu 2019-mi atuutilersut ilisimaneqarnerulernissaat sulissutigivarput.

TELE-POST-ip peqquserluttuliornaveersaartitsinermut politikianit tigulaagaq: *“Sutigut tamatigut niuernerimik akisussaassuseqartumik TELE-POST ingerlatsivoq peqquserluttuliorerillu suugaluartulluunniit, imaluunniit ileqqorluttumik iliuutsit suugaluartulluunniit, suliffeqarfiup niuernermini tusaamanerluutigilersinnaasai tamaasa, akuerimannngilluinnarlugit. Sullitanik allanillu soqtigisaqartunik sulisut naapitsinerminni, immikkoortoqarfiit akimorlugit, sukulluunniit ileqqorisaarlutik akisussaassuseqarlutillu iliortassapput.”*

Tunissutisarneq

Tunngaviatigut imaappoq suliaminnut atatillugu sulisuvut tunissutiseqqusaanatik allanilluunniit ajunngitsorsiaasinnaasunik, akiliilluni peqquserlutit-siniarnertut paasineqarsinnaasunik, akuerseqqusaanatik. Sulisulli nalliuttorsiornerannut atatillugu akuerineqarsinnaasup iluani annikitsunnguanik qujassutitut tunissuteqarfigineqarsinnaatitaapput.

Suliffimmi tunissuteqartarnermut TELE-POST-ip najoqqutassiaaani tigulaagaq: *“Suliffeqarfiup niueqatigiinnermi periusaasa sutigut tamatigut assigiissuunissaat aamma erseqqissuunissaat qulakkeerniarlugu, sullitatsinnut, pisiniarfigisartakkatsinnut aamma suleqatigisartakkatsinnut periusarisartakkavut eqqarsaatigalugit aamma Suliffeqarfiup/sulisut ataasiakkaat ileqqorluttuliuunnginnissaannut aamma akilersilluni peqquserlutsinneqannginnissaannut illersorniarlugit, najoqqutassat uku suliarineqarput.”*

Inuttut soqtigisat ilaqtutanillu salliutitsineq

Sulisutta suliaminnut atatillugu aaliangiisarneri inuttut soqtigisani sunnerneqarsimasussaann-gillat, ass. Ilaqtutanik ikinngutinilluunniit salliutitsisoqassanngilaq, inuilli piginnaasai kisiisa uttuutigalugit aalajangiinissat aalajangerneqartassapput.

Whistleblowerimik aqqisusineq

Kinaassuseq saqqummiutinngikkaluarlugu ajortumik pisoqarneranik pasitsaassaqarnermi pisortanut nalunaaruteqarsinnaatitaanikkut, whistleblowerimik aqqisusisnermik taaneqartartukkut, TELE-POST-ip sulisuni periarfissippai, kinaassutsiminnik ilisimatitsingikkaluarlutik, inunnik suliffimmut attuumassuteqartunik ileqqulerlussimasutut, niueqatigiinnermi inatsisinilluunniit, suliffitsinnut attuumasunik, unioqqutitsisimasutut pasisaqarunik nalunaarutiginnissinnaatitaanerini, assersuutigalugu ukunatigut:

- pillaatitaqarsinnaasunik pisoqartillugu, ass. peqquserluttuliorneq, akiliilluni peqquserlutsitsineq aamma suliffimmut peqquserluttuliorneq
- isumannaallisaarnermik suusupaginninneq aamma inatsisaatsuliorneq
- kusanaatsumik ileqqulersorneq, ass. assigiinngisitsineq, nikanarsaaneq il.il.





Inuiaqatigiinnut naleqarnerulersitsivugut

Kinguariit tullissaat eqqarsaatigalugit, TELE-POST-ip kissaatigaa, meeqqat inuusuttullu imminnut tatiginerunissaat inuunerinnerunissaallu ikorfartuiffiqeqataassallugu, ilinniakkamillu naammassinnaannut kajuminnerulernissaat periarfissuukkusullugu. Ilinniagaqarnissamut akornutaasartut annikilliskusuppavut, attaveqatigiittarnernillu ataatsimoorfiullutik nukittunerulersitsisartunik periarfissanik sulissuteqarniarluta.

Suliniutit inunntu ataasiakkaanut pitsaasumik ataavartumillu kinguneqartussat tapersorsorpavut aamma inuiaqatigiit piujuartitsiffiunerusut tungaannut ingerlanissaat sulissutigissavarpur.

Coding Class

Meeqqat tamarmik silarsuarmi digitaliusumi nunarsuarmioqatinullu sumiissusersiornissamut piginnaaneqartariaqarput, aaqqiissutissanik digitaliusunik nassaarsinnaasariaqarlutik, siunissami sulilernissaminni qitiusumik inissisimalerumaartussanik. Pikkorilluinnartutut atuisuinnassanngillat, namminerli aaqqiissutissanik digitaliusunik pilersitsillutillu sanasinnaalertariaqarput.

Kinguariit tullinnguuttut piginnaasaasa qaffasarnissaannut TELE-POST peqataarusuppoq, taamaattumillu 2019-imi Kommuneqarfik Sermersuumik suleqatigiinnissamik isumaqatigiissuteqarpoq 'coding class-inik' atuarfimmi ilinniagassanut ilanngutsitsisumik, atuartitseriaatsimik, suliffeqarfiit IT-mik ingerlataqartut, ilaasortallu allat, peqatigalugit ineriartortinneqarsimasumik.

Isumaqatigiissutit imaraa atuarfimmi klassit sisamat Coding Classimik atuartinneqarlutik misileraanikkut ilinniartinneqarnissaat, upernaakkut 2020-mi ingerlasussa. Ilinniartinneqarnerup ingerlanerani klasseqatigiit suleqatigiinnermikkut programminik ikkussuisinnaaneq, misissueqqissaarneq, ineriartortitsinerlu ilisimalissavaat, ukiuni 21-nik hundredelikkaani pisinnaasariaqakkani pisariaqartinneqaisut.

Siunertaavoq suliniutip nunamut tamarmut siammarneqarnissaa.

Attat - Nunatsinni ilinniarfeqarfiit naapittarfiat

Ilinniarfeqarfiit naapittarfiat ATTAT, Namminersorlutik Oqartussat ilinniarfiutaannut tamanut atassuteqaat, TELE-POST-ip pilersugaralugulu tapersersugaraa. Nunatsinni atuarfinnik tamanik, inuusutissarsiutitut aamma qaffasinnerusumik ilinniagaqarfinnik tamanik internetikkut attaveqarnermik pilersuisuuvuq. 2019-ip ukiaanerani suliniuteqarnitsigut nunami tamarmi atuarfiit sukkanerusumik internetimut atassuteqalerput, periarfissanik amerlasuunik ammaasumik. Ungasissumiit atuartitsisinnaaneq periarfissarissaarnerulerpoq, tamatumalu atuartut periarfissaat pitsaanerulersippaat. Ilinniartitsissutissatut sakkussamut aamma soqutiginarnerusumik ilinniartitsisinnaanermut ilinniartitsisut periarfissaqalerput, ilinniaqqissinnaanerullu tulluurtut ammaanneqarlutik.

IT-mik ilinniartitsinermit ilitsersuisoq

2018-mi misileraaffik Microsoft testcenter Nuummi pilersipparput, tassuunakkullu IT-mik pikkorissanernik ilitsersuisinnaalerluta, kursusertitsisarnernut allagartallit suleqatigalugit, taamaasilluni pikkorissartussat nunanut allanut aallartariaarullugit. Testcenterimik ingerlatsinerput ilitsersuisarnerpullu ingerlatiinnassavavut.

CODING
<CLASS>





DHL / TELE-POST stafeti

Qasuaallisarluni arpatsitsisarnerit annersaat ukiut tamaasa TELE-POST-ip Nuummi ingerlattarpaa. Stafetsi tassaavoq suliffeqarfiit ukiukkaartumik aaqqissuuttagaat, qasuaallisassallutik, peqqinnerulerusullutik, immikkoortoqarfiit suliffiillu akimorlugit ataatsimooqatigiiffigerusullugit, ullormi peqataanisaminnut inuppassuit piareersimaffigisartagaat.

Inuit 1.225-it

ukiut tamaasa peqataasarput, holdinut 245-inut agguataarlutik

Kræfti akiorniarlugu katersuiniarnersuaq

Kræfti akiorniarlugu suliniuteqartunut TELE-POST ukiut tamaasa tapersuisarpoq, NERIUFFIUP TV-kut aliikkusersuinertalimmik katersuiniarnerini call-centeri ikkussuullugulu aquttaratsigu. Innuttaasut tamarmik tassunga siarnerlutik kriæftimut akiuiniarnermut tapiissuteqarnissaminnut periarfissaqartarput. Upperaarput taama iliorntsigt ajunngitsuliortarluta, kræfimik nappaarsimasuinnaangitsunut aammali ilaqutaasunut.

Filatelia

Ukiut tamaasa Filatelia frimærjinik nutaanik 24-inik, eqqumiitsuliortut tusaamasat suleqatigalugit, saqqummersitsisarpoq. Frimærkit ilaat ataaseq 1 kr-inik akitsuuserlugu tuniniarneqartarpoq. Akitsuutikkullu isertitat tamarmik isumaginninnermi suliniutinut tapiissutigineqartarput, ullumikkullu 150.000 kr-nit anguneqarsinnaasarput. 2019-mi frimærkit akitsuusigaq januarimi saqqummersineqarpoq. 'Kalaallit Nunaanni Frelsens Hær'-imut iluaqutissangortlugu iluanaarutit tunniunneqarput.

150.000 DKK

Taama naleqarsinnaasarput Filateliap akitsuusiilluni tuniaganit isertitat isumaginninnermi sulianut tapiissutaasartut.

2019-mi sponsoratit annerpaat

TELE-POST-ip periusissiamini anguniakkaminut naleqquttunik suliaqartunut sponsoratinik angisuunik mikisunillu tapiissuteqartarpoq. Tassaasinnaapput pisiassat nioqutigisartakkavut, aammali aningaasaasinnaasarput. Annikinnerusutigut suliniutit ajunngitsut kulturilerinermulluunniit tunngasut tapertarpavut, suliniutillu angisuut aningaasaliiffigisarlutigit ass. Elite Sport Greenland.

- Attat (Nunatsinni ilinniarfeqarfiit naapittarfiat)
- Elite Sport Greenland
- Kulturip Illorsua Katuaq
- Nuuk Nordisk kulturfestival
- Peqatigiiffik Kalaallit Meerartaat
- Neriuffik
- Meeqqat angerlarsimaffiat Tupaarnaq
- IKIU (Inatisitigt ikiorsiisarfik imminut pigisoq)
- PAARISA (Peqqinnissamut Pitsaaliuinnermullu Aqutsisoqarfik)

2019-imi piujuartitsinissamut suliniutit

Allatulaaq ersarissumik suliniuteqarnissamut sulisutta siuttuonissartik kissaatigaat. Suliniutitta ilaat aajuku.

Plastik annikinnerusoq

Ergit plastikkinik puullit, ukiut ingerlanerini timigisartarfitsinnut Nuummilu allaffitsinni imeruesaatitut tunniunneqartartut atorunnaarsinnikuugut.

“ Avatangiisinut iluaqutaanerulersillugit ileqqutta allangortinnissaat eqqarsaatigisariaqarparput, nuannaarutigilluinnarparalu matumuuna allattut iliuuseqarsinnaanerput. Nammineq imiisivinga imermik mamarnerpaamik uatsinneersumik imalik nassartarpara.

Solveig Heilmann, timigisartarfimmik atuisartoq, TELE-POST-imilu timigissarnermi udvalgi

Saligatsoq ima tapersorsorparput

Minguitsuutitsinissaq ukiut tamaasa tapersorsorparput, CSR Greenlandilu ukiumoortumik eqqagassanik salisitsisarnera 'Saligatsoq' peqataaffigisarlutigu. Aasaanerani 2019 ukiut tulleriginnaat pingajussaaneerpugut meeqqat atuarianni atuarnik TELE-POST-ip eqqaani salisitsigatta, paasisassarsiorlutik angalanissaannut 10.000 kr-inik akilerlugit. Paasisassarsiornissaasa tapersernerisa saniasigut saleeqataanermikkut meeqqat inuusuttullu avatangiisiminnut sissuernerulersarput, avatangiisillu inuuffigisatta pingaaruteqassusia paasinerusarlugu.

“ Atuartut pinngortitami sulilluartarput, suliassallu taassuma pinngortitamut annikinnerpaamik eqqaasarnissatsinnut ataatsimorluta akisussaaffeqarnitta paasinerunissaanut periarfissilluarpai.

Stina Nielsen, meeqqat atuarianni ilinniartitsisoq

Perusuersartarfiit ikuallanneqarsinnaasut nutaaliat

Nunatta avannaani TELE-POST centereqarfinni perusuersartarfimmik ikuallanneqarsinnaasumik ikkussinikuuvugut, aamma allani TELE-POST centereqarfinni, kuutsittagaangitsunik perusuersartarfimmi, ikuallattakkanik ikkussuinissaq pilersaarutaavoq. 2020-ip ingerlanerani perusuersartarfiit ikuallattakkat 9-it ikkussuunniissat siunnerfigaarput. Suliniut sulisunit nuannarineqarpoq, avatangiisinullu iluaqutaalluni, plastikkinik pinngortitamut eqqaanermik annikillisaataagami.

Isumassarsiatsialaat siaruaatipallattarput

Pinngortitamut eqqakkat ersarissorujussuusarput avatangiisinik uumasunillu ajoqusisarlutik. Suliffeqarfiit kattuffiillu nunarsuatsinniittut amerlaqisut avatangiisinut Unammilligassat annikillisinnaannut pimoorussillutik suliaqarput.

“ Immikkoortoqarfimmit allamit, puussianik plastikkiusunik atuinernik annikillisisunit, isumassarsisinnegarpugut, taakku immikkoortoqarfimminni eqqaavik ataasiinnangortissimavaat, allaffiit tamaasa immikkut eqqaaveqarunnaarsillugit. Isumassarsiaq allanut malittut siammaappoq.

Hans Rasmussen, HR-mi siunnersorti

Nungutaasaanngitsumik nioqqutissat

“ Inuiaqatigiinnut avatangiisinullu iluaqutaaneruleqqullugit suleriaatsitta pitsanngorsartuarnissaat misissortuarparput. Tammaviuttussanik plastikkinik sanaanik, mingutsitsisartunik, pisiniartarnerit unitsinneqarput tammaviuttussanilli piujuartitsinnaasunik sanaanik pisiniartalernikuuvugut.

Lars Rasmussen, Nioqqutissiornermut Nittarsaassinermullu Pisortaq



tusass

Nunarsuarmi isummat tunngaviit, ajutoorfiusinnaasut aamma 2020-imi suliniutit

Nunarsuami isummat tunngaviusut nalilersorneri

UN global Compacts internationale-p isumai tunngaviusut pingaarutillit, inuit pisinnaati-taaffiit, sulisartut pisinnaatitaaffiit, avatangiisinut aamma peqquserluttuliortitsi-naveersaartitsinermit tunngasut, TELE-POST-ip 2015-mi nalunaarsorpai. Piffissap ingerlanerani piujuaannartitsinermit suliaqarfissavut taamaasi-ornitsigut nalunaarsorpavut. Sammisavut alarnaveersaarlugit, sulisut soqutigisaqartullu allat, suliffimmik aqqissuulluakkamik, suleqati-giinnermik pingaartitsisumik naapitsinissaannut tapersiilluta sulinerput ingerlappavut.

CSR-imik pijuartitsinermillu sulinerup siuarsar-nissaanut peqataanissaminut TELE-POST kissaateqarpoq, 2020-illu ingerlanerani politikit

2020-mi suliniutit

Akisussaassuseqarneq aamma pijuartitsi-nissaq tassaapput suliffeqarfiup qullersaqarfiata eqqummaffaariffigilluagai. Suliassat pijuartitsi-nissamut tunngasut allattorneri, isummersorfige-qqinneri, nalunaarsornerilu TELE-POST-ip maanna ingerlappai. Suliatta ineriartortinnissaanut anguni-agarivarput, suliassatsinnut allanut pijuartitsineq ataavartumik katanneqartussaangitsumillu ilaalersinniarlutigu.

Siunniusaqartumik attaveqatigiittarnertigut, sulisuttalu peqatiginerisigut, piujuaannartitsi-nermik ilisimasaqarnerup annerulersinnissaa sulissutigerusupparput.

Suleqatigiiffissamik pitsaasunik allamik TELE-POST isumaqatigiissuteqartussaavoq 'coding class'-sit atuartitsissutigineqartarlernissaannik imaqartumik. Siunertaavoq 2020-mi upernarnerani meeqqat atuarsianni 7 klassit sisamat "Coding Class"-situt

tamakkununnga attuumassuteqartut suliaralugit tamanut saqqummiunneqartussat suliarisimallugit.

Inuit pisinnaatitaaffiisa siuarsarneqarnissaannut sulineq Pisortat aamma Namminersorlutik Oqartussat akisussaaffigaat, tamakkununnga najoqqutassiat akuerineqarlutillu malinneqar-sinnaaqqullugit, taamaattumik TELE-POST-ip nalilerpaa inuit pisinnaatitaaffiit immikkut politikimik suliaqarnissani pisariaqanngitsoq, kisianni TELE-POST-ip pisinnaatitaaffiit ataqqivai, inatsisillu taakkununnga attuumasut maleqqis-saarlugit.

piviusunngortinneqarnissaat. Neriutigaarput kommunit allat suliaq soqutigiumaaraataaq, meeqqallu atuarfiinik allanik suleqateqalernissami periarfissanik takunnissinnaassallutik, Kommune-qarfik Sermersuumi misilittagaqarluartoqale-riarpat.

Ilinniartitsisuttaaq digitaliusumik ilinniartitsisin-naanermut piginnaasaqalernissaannut ikiuunnissi TELE-POST-ip kissaatigaa. Ilisimatusarfimmi Ilinniartitsisuumik suleqatigiinnissamik isumaqa-tigiissuteqarsinnaanitsinnut periarfissat misissor-niarparput, oqaloqatigiinnerillu aallartereerlutigit. Digitalimik suleriaaseqarnissamut ilinniartitsisut piginnaasaqarnerulernissaannut ilinniartitsinissap qanoq iliorluni aqqissuunneqarnissaannut ikiuus-sinnaanerput siunertaavoq.

Ajutoorfiusinnaasut

TELE-POST-imi ajutoorfiusinnaasut isumannaatsumik suliarineqarnissaat pisortat qullersaasa akisussaaffigaat, suliassaraataaq TELE-POST-mi ajutoorfiusinnaasut pingaarutillit millisarneqartuarnissaat.

Suliaqarfiit	Ajutoorfiusinnaasut	Isumagineqarneri
Inuit pisinnaatitaaffii	<ul style="list-style-type: none"> IT-kut isumannaallisaaneq aamma pisiniartarfiit pingaarnerit TELE-POST-ip ukiumut nalunaarusiaani sammeneqarput 	
Isumaginnineq sulisoqarnermullu tunngasut	<ul style="list-style-type: none"> Sulilersussanut pilerinarsaaneq sulilereersimasullu piginnarnissaat 	Ajunngitsut pingaartippavut, sulisullu pisinnaatitaaffiisa ajortumik sunnerna-veersaartinnerisigut timikkut tarnikkullu sulinermi avatangiisit pitsaasuutippavut
Avatangiisit silalu	<ul style="list-style-type: none"> Avatangiisinit silallu pissusaanik ajortumik sunnerneqarneq 	Najoqqutassiat missortarpavut, illersorne-qarsinnaasumillu eqqaasarluta, avatan-giisunik silallu pissusaanik akornusiinn-gitsumik, ilutigalugu nukissiutit ataavartut atorluarnerunissaat sulissutigaaqartut
Pinerluttuliornaveersaartitsineq	<ul style="list-style-type: none"> Niueqatigiinnerit aamma pisiniartorneq 	Qitiusumik pisiniartarnerit ingerlanne-risigut, taakku aamma niueqatigiittarnerit akuersisarnermut malittarisassatigut nakkutigaaqartut

“ Kinguaariinnut tullernut, siunissami sulisussatsinnut, avatangiisinut aamma nunarsuarmi sumiiffitsinnilu piujuartitsilluni ineriartornermut akisussaaq-taaffimmik TELE-POST tiguseqataavoq. Uagut suliffeqarfiitut niueqatigiin-nikkullu siunissatta pisariaqartittussavai inuit aamma avatangiisit peqati-giilluta nunami maani pilersitavut, Nunarpullu nunarsuarmut sunnerneqar-tarpoq. Taamaattumik akisussaaffimmik tiguisariaqarpugut, taamaattumillu Nunarsuarmut siunertat TELE-POST-imi ulluinnarilersissavavut.

Kristian Reinert Davidsen, pisortaaneq

“ Ullut tamaasa aalajangertakkavut inunnut avatangiisitsinnullu sunniuteqar-tarput, taamaattumillu aamma siunissami kinguaariinnut. Inuiaqatigiinnut piujuaannartitsinissamik iluaqusiinnaalluta TELE-POST-imi upperaarput, maanna siunissaminilu.

Tanja Christensen, CSR-mik siunnersorti

Oqaatsit uku atorlugit nunarsuarmioqatigiit anguniagaat pisortat isumasioqatigiisneqar-nerani tiguavut, FN-ip Nunarsuarmioqatigiinnut anguniagaasa nalunaarsorneqarnerisa aamma TELE-POST-imi akuliutsinneqarnerunissaasa ilisima-neqarnerulernissaat sammineqarmat.

TELE-POST kalaallini inuiaqatigiinni pingaar-tilimmik inissisimavoq, Nunattalu piujuartits-isussamik ineriartornissaannut uagut akisu-saaqataalluta peqataassaagut. Nunarsuarmut anguniakkat uagut suliffitsinni atussavavut, ilisarnaataassappullu piujuartitsinissamik suliaqarnitsinnut, uagullu suliatta inuiaqatigiinnut naleqassusiinik tamanut ersarissisitsisuussallutik. Piujuartitsiner-mut ataatsimoorussatsinnik oqaase-qalernissatsinnut, suliallu eqqummaariffigineranut siunertat ikorfartueqataassapput, suliffitsinni aamma inuiaqatigiit ilaaffigisatta iluanni.

Nunarsuarmut anguniakkani TELE-POST-imi 3-t toqqarpavut uagut pingaarnertut peqataaffige-rusutavut, inuiaqatigiinnilu ersarissumik sulini-arfissavut, aammali uagut suliffitsinnut naleqar-nerulersitsisut.

Nunarsuarmut siunertanit 17-jusunit uku uagut peqataaffigissavavut:

- Anguniagaq 4 – Ilinniartitaaneq pitsaassusilik
- Anguniagaq 9 – Suliffissuit, nutaaliorneq atassuteqaatillu
- Anguniagaq 17 – Suleqatigiinnikkut anguniagaqarneq

Nunarsuarmut anguniakkat pingasut



Kinguaariit tulliit salliutissavavut

Piujartitsinissamut periusissiatinni siunissamut akisussaaffik tiguarput, kinguaariillu tullissaat sallinngortillugit.

Meeqqat ilikkagaqarnerunissaminnik aamma atuarfiit digitalinerulernissaannik kissaataat naammassiniarlugit anguniagaqarpugut, meeqqat inuusuttullu ineriartornerat tapersorsorparput, suliniutigullu siunissaq digitalisoq qulakkeerniarlutigu.

Nukittuumik suleqatigiinnertigut kinguaariit tullissaasa ineriartornissaat nukittor-saaqataaffigissavarpugut, internet ilinniagaqarfissatut ineriartornissamullu aqqutissatut isigineqalersillugu.

Nunarsuarmi ukiunilu digitaliusuni aamma aaqqiissutissanik digitaliusunik ilisimasaqar-fiusariaqartuni, meeqqat tamarmik digitaliusumik sumiissusersiorsinnaasariaqarpugut, siunissami sulisusanut pisariaqarluinnassammata. Atuillaqqissuinnaasariaqanngillat aammali nammineerlutik aaqqiissutissanik digitaliusunik nassaarniarsinnaasariaqarpugut, IT-kullu nutaaliernerup nuannersua tamatumuuna misigalugu.

Taamaattumik Kommuneqarfik Sermersuumik suleqatigiinnissamik isumaqatigiissute-qarpugut, upernarnerani 2020 atuarfinni kodningip atuartsisutiginetartalernissaannik imaqartumik. Ilinniartitseriaaseq meeqqat isumassarsiullaqqissusiannik IT-kullu pilersit-sisinnaalernissaannik periarfissiisoq.



Atassuteqaatit digitaliusut ineriartornermut aqqutissuipput

Atassuteqaatinik digitaliusunik pilersuisutut annerpaatut Nunatsinni ataqatigiissutisimik ullut tamaasa pilersitsisarpuqut, nuna tamaat nunarsuup sinneranut ataqatigiisilerlugu – siunissami inuiaqatigiinnik piujartitsisunut tamanna pingaruteqarluinnarpugut, uagullu suliffitsinnut tunngaverpiaalluni.

Atassuteqaatit patajaatsut, teknologiillu mingutsisisuunngitsut atorlugit, nunatsinni kujataani, kitaani aamma avannaata ilaanni najugaqartut 92,6%-tii sukkasuumik internetikkut atassuteqartippavut.

Kalaallit Nunaat digitaliusut ukiuinut apissippoq internetikkut atassuteqaatitigut teknologiikkut kivitsinermi inuisa 100 %-tiinut anngussisinnaalerami.



Pitsaassutsimut aqut ataatsimoorussa

Piujartitsinissamut anguniakkavut kisitta piviusunngortissinnaanngilavut, taamaattumik suleqatigiinnerit nukittuut pilersikkusuppavut, peqatigiilluta suliaavut pitsaanerutilissagatsigit. Anguniakkat pingaarutilit angunissaannut suleqatigiinnerit aqqutissaapput kimittuut.



“

*Nunarsuarmut anguniakkat TELE-POST-imi ullinnaalersinnissaannut uagut anguni-
agaraarput kinguaariit tullii salliutinnissaat. Nunap atassuteqaataa pingaarutilik
qulakkeerparput Kalaallit Nunaallu imminut nunarsuullu sinneranut atassuteqarti-
lerlugu. Kalaallit Nunaata digitaliusup ineriartortinneratigut suliffeqarfitta siunissaa
qulakkeerniarparput, atassuteqaatitigullu pilersitatsigut kinguaariit tulliiit piorsaaf-
figiniarlutigit.*

Stine Bosse, siulersuisuni siulittaasoq





TELE Greenland A/S

Farip Aqqutaa 8
Postboks 1002
3900 Nuuk

CVR nr.: 17 51 63 45

Kommuni najugaqarfik:
Kommuneqarfik Sermersooq

Oqarasuaat: +299 34 12 55
Telefax: +299 32 22 55
Internet: www.telepost.gl
E-mail: tele@telepost.gl